



Broj: A-577/25

Datum: 21.08.2025. godine

MM/ZŠR

Na osnovu člana 70. stav 1. i člana 72. stav 3. tačka c) Zakona o javnim nabavkama (»Službeni glasnik BiH«, broj 39/14, 59/22 i 50/24) u postupku javne nabavke printera za potrebe Kantonalnog tužilaštva Unsko-sanskog kantona, glavna kantonalna tužiteljica d o n o s i:

### **O D L U K U**

o dodjeli ugovora drugorangiranom ponuđaču

#### **Član 1.**

Stavlja se van snage Odluka o izboru najpovoljnijeg ponuđača broj: A-577/25 od 01.07.2025. godine i ugovor za nabavku printera dodjeljuje se drugorangiranom ponuđaču EMADO d.o.o. Sarajevo, Azize Šaćirbegović 112, 71000 Sarajevo, sa ponuđenom cijenom nakon provedene e-aukcije u ukupnoj vrijednosti od 2.980,00 KM bez PDV-a.

#### **Član 2.**

Nakon pravosnažnosti ove Odluke, prijedlog ugovora dostavit će se na potpis izabranom ponuđaču.

#### **Član 3.**

Obavezuje se izabrani ponuđač iz tačke I ove Odluke, da u roku od 5 (pet) dana od dana prijema ove Odluke dostavi dokaze tražene tačkom 3, podtačka 3.1. tenderske dokumentacije.

#### **Član 4.**

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke shodno članu 71. stav 2. Zakona o javnim nabavkama i objavit će se na web stranici Kantonalnog tužilaštva USK.

### **O b r a z l o ž e n j e**

Postupak javne nabavke printera za potrebe Kantonalnog tužilaštva USK, pokrenut je Odlukom o pokretanju postupka javne nabavke broj: A-577/25 od 10.06.2025. godine.

Javna nabavka je provedena putem konkurentskog zahtjeva za dostavljanje ponuda. Predmet javne nabavke predviđen je Planom nabavki Kantonalnog tužilaštva Unsko-sanskog kantona za 2025. godinu broj: A-103/25 od 27.01.2025. i A-103-1/25 od 15.04.2025. godine, a) robe, redni broj: 10. – JRJN 30232110-8. Procijenjena vrijednost javne nabavke je 3.000,00 KM bez PDV-a. Za predmetnu javnu nabavku osigurana su sredstva u Budžetu Unsko-sanskog kantona za 2025. godinu na ekonomskom kodu 821300.

Obavještenje o nabavci broj: 1092-7-1-38-3-15/25 od 13.06.2025. godine dostavljeno je na objavu u Službenom glasniku BiH dana 13.06.2025. godine, te je vršena i ispravka obavještenja broj: 1092-7-1-38-8-16/25 od 16.06.2025. godine koja je dostavljena na objavu u Službenom glasniku BiH istog dana. Dana 16.06.2025. godine izvršena je i izmjena tenderske



dokumentacije koja je objavljena portalu javnih nabavki. Do roka određenog za otvaranje ponuda utvrđeno je da su svi ponuđači koji su dostavili ponude preuzeli tendersku dokumentaciju kao i ispravku tenderske dokumentacije sa portala javnih nabavki (Izvještaj o preuzimanju tenderske dokumentacije od strane ponuđača od 25.06.2025. godine).

Radi provođenja postupka javne nabavke imenovana je Komisija rješenjem glavne kantonalne tužiteljice broj: A-577/25 od 11.06.2025. godine.

Rok za dostavljanje ponuda bio je 25.06.2025. godine u 09:00 sati.

Nakon isteka roka za dostavljanje ponuda evidentirano je da su u roku pristigle četiri ponude i to:

1. A-577/25 br. 1 - FIXIT d.o.o. Sarajevo - brzom poštom - 20.06.2025. - 08:35 h
2. A-577/25 br. 2 - MOON d.o.o. Zenica - brzom poštom - 20.06.2025. - 08:37 h
3. A-577/25 br. 3. - EMADO d.o.o. Sarajevo – brzom poštom - 20.06.2025. - 08:37 h
4. A-577/25 br. 4. - ALF-OM d.o.o. Banja Luka – brzom poštom - 20.06.2025. - 08:37 h

Komisija za javnu nabavku je dana 25.06.2025. godine u 11:00 sati izvršila javno otvaranje ponuda, a zatim i ocjenu pristiglih ponuda, te utvrdila da su blagovremene i prihvatljive, odnosno ispunjavaju sve uslove tražene tenderskom dokumentacijom, izuzev ponude ponuđača MOON d.o.o. Zenica, koju nalazi neprihvatljivom za ugovorni organ. Komisija je u zapisniku obrazložila je navedeni ponuđač u svojoj ponudi dostavio Izjavu iz člana 52. Zakona o javnim nabavkama koju je potpisao i ovjerio pečatom ponuđača, kao i nadležnog organa, međutim istu nije popunio, odnosno u obrazac izjave koja čini Prilog broj V tenderske dokumentacije nije unio ime i prezime odgovornog lica/predstavnika ponuđača, broj lične karte i instituciju koja je istu izdala, naziv privrednog društva, ID broj, sjedište, adresu privrednog društva, kao ni broj obavještenja predmetne javne nabavke na portalu agencije za javne nabavke. Odredbom člana 52. stav 10. Zakona o javnim nabavkama propisano je da je svaki kandidat/ponuđač dužan da uz ponudu dostavi i posebnu pisanu izjavu ovjerenu kod nadležnog organa da nije nudio mito niti učestvovao u bilo kakvim radnjama koje za cilj imaju korupciju u predmetnoj javnoj nabavci. Forma izjave iz člana 52. Zakona o javnim nabavkama je objavljena u Uputstvu za pripremu modela tenderske dokumentacije i ponuda ("Službeni glasnik BiH" br. 91/14 i 20/15), kao provedbenom propisu, koju su ponuđači dužni koristiti prilikom pripreme ponuda za konkretan postupak javne nabavke, odnosno istu popuniti i dostaviti u skladu sa datim uputama na obrascu. Kako ponuđač MOON d.o.o. Zenica nije dostavio izjavu iz člana 52. Zakona o javnim nabavkama u skladu sa prethodno citiranim Uputstvom za pripremu modela tenderske dokumentacije i ponuda, to se ponuda navedenog ponuđača smatra nepotpunom, odnosno ista ne ispunjava zahtjeve iz tenderske dokumentacije slijedom čega je ponudu ponuđača MOON d.o.o. Zenica u ovom postupku valjalo odbaciti shodno članu 68. stav 4. tačka i) Zakona o javnim nabavkama.

Komisija je zatim zakazala e-aukciju za dan 30.06.2025. godine u 11:00 sati. Predviđeno trajanje e-aukcije je bilo 10 minuta. Nakon završetka e-aukcije po izvještaju o toku i završetku e-aukcije broj postupka: 1092-7-1-38/25 od 30.06.2025. godine, utvrđeno je da je bilo podnošenja ponuda od strane dva ponuđača i to FIXIT d.o.o. Sarajevo i EMADO d.o.o. Sarajevo, te je Komisija dana 30.06.2025. godine utvrdila konačnu rang listu ponuđača koji su učestvovali u e-aukciji kako slijedi:



| R. br. | Naziv ponuđača           | IDB/JIB       | Konačna cijena u KM bez PDV-a | Umanjenje cijene | Rang |
|--------|--------------------------|---------------|-------------------------------|------------------|------|
| 1.     | FIXIT d.o.o. Sarajevo    | 4202048930006 | 2970,00 KM                    | 1%               | 1    |
| 2.     | EMADO d.o.o. Sarajevo    | 4201929330005 | 2980,00 KM                    | 0,67%            | 2    |
| 3.     | ALF-OM d.o.o. Banja Luka | 4400810890005 | 3000,00 KM                    | 0%               | 3    |

Kriterij za dodjelu ugovora shodno tački 5 podtačka 5.6. tenderske dokumentacije je najniža cijena.

S obzirom na naprijed navedeno Komisija za javnu nabavku je dala preporuku glavnoj kantonalnoj tužiteljici da se ugovor dodijeli ponuđaču FIXIT d.o.o. Sarajevo u postupku javne nabavke printera za potrebe Kantonalnog tužilaštva USK, jer je navedeni ponuđač ponudio najnižu cijenu u iznosu od 2.970,00 KM bez PDV-a.

Dana 21.08.2025. godine FIXIT d.o.o. Sarajevo u pisanoj formi putem e-maila obavijestio je da odustaje od potpisivanja ugovora zbog poteškoća sa nabavkom ponuđenih uređaja, odnosno promjene roka isporuke od strane ovlaštenih distributera što u momentu dostavljanja ponude i dokaza iz člana 3.1. tenderske dokumentacije nisu mogli predvidjeti.

Obzirom da je izabrani ponuđač u pisanoj formi odbio dodjelu ugovora, to je ugovorni organ u skladu sa članom 72. stav 3. tačka c) Zakona o javnim nabavkama, ugovor o nabavci/kupoprodaji printera dodijelio drugorangiranom ponuđaču EMADO d.o.o. Sarajevo sa konačnom cijenom ponuđenom na e-aukciji u iznosu od 2.980,00 KM bez PDV-a.

Slijedom svega prethodno navedenog odlučeno je kao u dispozitivu.

#### POUKA O PRAVNOM LIJEKU:

Protiv ove Odluke može se izjaviti žalba najkasnije u roku od 5 (pet) dana od dana prijema ove odluke, a u skladu sa čl. 99. , 101. i 105. Zakona o javnim nabavkama.



**GLAVNA KANTONALNA TUŽITELJICA**  
 Mr. sc. Merima Mešanović

Dostaviti:

1. Ponuđačima
2. IKT službeniku radi objave na web stranici
3. a/a